

明紅絲
欄鈔本

百

家

詞



玉笥山人詞集

王沂孫碧山

天香

龍涎香

孤嶠蟠烟層濤蛻月驪宮夜採鉛水訊遠槎風夢深
薇露化作斷魂心字紅甕候火還乍識冰環玉指一
縷縈簾翠影依稀海天雲氣

幾回滯嬌半醉剪春鐙夜寒花碎更好故溪飛雪小
窓深閑荀令如今頃老總忘却樽前舊風味謾惜餘
熏空篝素被

花犯

苔梅

古嬋娟蒼鬢素靨盈盈瞰流水斷魂十里嘆紺縷飄
零難繫離思故山歲晚誰堪寄琅玕聊自倚謾記我
綠裝衝雪孤舟寒浪裏三花兩藥破蒙茸依依似
有恨明珠輕委雲卧穩藍衣正獲春顚頓羅浮夢半
蟾挂曉么鳳冷山中人乍起又喚取玉奴歸去餘香
空翠被

露華

碧桃

紺葩乍折笑爛熳嬌紅不是春色喚了素粧重把青
螺輕拂舊歌共渡烟江却占玉奴標格風霜悄瑤臺
種時付與仙骨

閑門晝掩悽惻似淡月梨花重化清魄尚帶唾痕香
凝怎忍攀捎嫩綠漸滿溪陰蔌蔌粉雲飛出芳豔冷

劉郎未應認得

南浦

春水

柳下碧粼粼。認麴塵、下生色嫩。如染清溜，滿銀塘東
風細。參差穀紋初遍。別君南浦。翠眉曾照波痕淺。再
來漲綠迷舊處。添却殘紅幾片。蒲菊過雨，新痕正拍
拍。輕漚翩翩。小燕簾影。蘸樓陰、芳流去應有淚珠千
點。滄浪一舸。斷魂重唱蘋花怨。采香幽徑。鴛鴦暖。誰
道湔裙人遠。

南浦

柳外碧連天。漾翠紋、漸平低蘸。雲影應是雪初消，已
山路蛾眉乍窺清鏡。綠痕無際。幾番漂蕩江南恨。弄
波素韞。知甚處、空把落紅流盡。

何時橘里萼鄉泛一舸翩翩東風歸興孤夢遶滄浪
蘋花漠漠雨昏烟暝連筒接縷故溪深掩柴門靜只
愁雙燕啣芳去拂破藍光千頃

聲聲漫

謹雪

風聲從吏雲意商量連朝滕六遲疑茸帽貂裘兔
園準擬吟詩紅爐旋添獸炭辦金船羔酒溶脂間剪
水工夫猶未還待何時休被梅花爭白好誇奇闥巧
早遍瓊枝綵索金鈴佳人等塑獅兒怕寒繡幃慵起
夢梨雲說與春知莫悞了約王猷船過剡溪

高陽臺

紙被

霜楮剝皮冰花擘繭滿腔絮濕湘簾抱甕工夫何須
待吐吳蚕水香玉色難裁剪更繡針茸線休拈伴梅

花暗卷春風斗帳孤眠

篝熏鵲錦熊羆任粉融脂凝猶怯痴寒我睡方濃笑
他欠此清緣揉來細軟烘烘煖儘何妨挾纈裝綿酒
魂醒半榻梨雲起坐詩禪

疎影

詠梅影

瓊妃卧月任素裳瘦損羅帶重結石逕春寒碧蘇參
差相思曾步芳屨離魂分破東風恨又夢入水孤雲
濶筭如今也厭俦停帶了一痕殘雪

猶記冰奩半掩冷畫未就歸櫂輕折幾度黃昏忽到
窓前重想故人初別蒼虬欲捲漣漪去謾蛻却連環
香骨早翠陰蒙茸不似一枝清絕

露華

碧桃

晚寒竚立記鉛輕黛淺初認永魂紺羅襯玉猶凝茸
唾香痕淨洗妬春顏色勝小紅臨水湔裙烟渡遠應
憐舊曲換葉移根

山中去年人到恠月悄風輕閑掩重門瓊肌瘦損那
看燕子黃昏幾片故溪浮玉似夜歸深雪前村芳夢
冷雙禽誤宿粉雲

無悶

雪意

陰積龍荒寒度鴈門西北高樓獨倚悵短景無多亂
山如此欲喚飛瓊起舞攪怕碎紛紛銀河水凍雲一
片歲花護玉未教輕墜

清致悄无似有照水一枝已攬春意誤幾度憑欄莫
愁凝睇應是梨花夢好來肯放東風來人世待翠管

吹破蒼茫看取玉壺天地

眉嫵

新月

漸新痕懸柳澹彩穿花依約破初暝便有團圓意深
深拜相逢誰在香逕画眉未穩料素娥猶帶離恨最
堪愛一曲銀鈎小寶簾掛秋冷

千古盈虧休問嘆謾磨玉斧難補金鏡太液池猶在
淒涼處何人重賦清景故山夜永試待他窺戶端正
看雲外山河還老桂花舊影

水龍吟

牡丹

曉寒慵揭珠簾牡丹院落花開未玉攔干畔柳絲一
把和風半倚國色微酣天香乍染扶春不起自貞妃
舞罷謫仙賦後繁華夢如流水

池館家家芳事記當時買栽無地爭如一朶幽人獨
對水邊竹際把酒花前剩拚醉了醒來還醉怕洛中
春色匆匆又入杜鵑聲裏

又

海棠

世間無此傳停玉環未破東風睡將開半斂似紅還
白餘花怎比偏占年華禁烟纔過夾衣初試軟黃州
一夢燕宮絕筆無人解看花意

猶記花陰同醉小闌干月高人起千枝媚色一庭芳
景清寒似水銀燭延嬌綠房留艷夜深花底怕明朝
小雨濛濛便化作燕支淚

又

落葉

曉霜初着青林望中故國淒涼早蕭蕭漸積紛紛猶

墜門荒迳悄渭水風生洞庭波起幾番秋杪想重臣
半沒千峯盡山中路無人到

前渡題紅杳杳遡宮溝暗流空遶啼蜚未歇飛鴻欲
過此時懷抱亂影翻窓碎聲敲砌愁人多少望吾廬
甚處只應今夜滿庭誰掃

又

白蓮

淡粧不掃蛾眉爲誰佇立羞明鏡真妃解語西施淨
洗娉婷頤影薄露初勻纖塵不染移根玉井想飄然
一葉颼颼短髮中流卧浮烟艇

可惜這臺路迥抱淒涼月中難認相逢還是水壺浴
罷牙床酒醒步韞空留舞裳微褪粉殘香冷望海山
依約時嘗夢想素波千頃

翠雲遙擁環妃夜深按徹霓裳舞鉛華淨洗涓涓出
浴盈盈解語太液荒寒海山依約斷魂何許甚人間
別有水肌雪豔嬌無奈頻相顧
三十六陂烟雨舊淒涼向誰堪訴如今謾說仙姿自
潔芳心更苦羅襪初停玉璫還解早凌波去試乘風
一葉重來月底與脩花譜

綺羅香

秋思

屋角疎星庭陰暗水猶記藏鴉新樹試折梨花行入
小闌深處听粉片簌簌飄堦有人在夜窓無語料如
今門掩孤燈画屏塵滿斷腸句
佳期渾似流水還見梧桐幾葉輕敲朱戶一片秋聲
應做兩邊愁緒江路遠歸鴈無憑寫綉牋倩誰將去

謾無聊猶掩芳樽醉聽深夜雨

又

紅葉

玉杵餘丹金刀剗絲重染吳江孤樹幾點朱鉛幾度
怨啼秋暮驚舊夢綠鬢輕凋訢新恨絳唇微注最堪
怜同拂新霜綉蓉一鏡晚妝妬
千林搖落漸少何事西風老色爭妍如許二月殘花
空誤小車山路重認取流水荒溝怕猶有寄情芳語
但淒涼秋苑斜易冷枝留醉舞

又

夜滴研朱晨粧試酒寒樹偷分春艷賦冷吳江一片
試霜猶淺驚漢殿絳點初凝認隋苑綠枝重剪問仙
丹熟何遲少年色換已秋晚

疎枝頻撼暮雨消得西風幾度舞衣吹斷綠水荒溝
終是賦情人遠空一似零落桃花又等閑誤他劉阮
且留取閑寫幽情石欄三四片

齊天樂

螢

碧痕初化池塘草熒熒野光相趁扇薄星流盤明露
滴零落秋原飛燐練裳暗近記穿柳生涼度荷分暝
誤我殘編翠囊空嘆夢無準

樓陰時過數點倚闌人未睡曾賦幽恨漢苑飄苔秦
陵墜葉千古淒涼不盡何人爲省但隔水餘暉傍林
殘影已覺蕭疎更堪秋夜永

又

蟬

綠陰千樹西窓悄厭厭晝眠驚起飲露身輕吟風翅

簿半剪冰箋誰寄淒涼倦耳漫重拂琵琶絲怕尋冠珥
短夢深宮向人猶自訴憔悴

殘紅收盡過雨晚來頻斷續都是秋意病業難留纖
柯易老空憶斜陽身世山明碎甚已絕餘音尚遺枯
蛻髣影參差斷魂清鏡裏

齊天樂

一襟餘恨宮魂斷年年翠陰庭樹乍咽涼柯還移暗
葉重把離愁深訴西窓過雨恠瑤珮流空 箏調柱
鏡掩粧殘爲誰嬌髣尚如許
銅仙鈿淚似洗歎移盤去遠難貯零露病翼驚秋枯
形閱世消得斜陽幾度餘音更苦甚獨抱清高損成
淒楚謾相薰風柳絲千萬縷

又

贈秋崖道人西歸

冷烟殘水山陰道家擁門黃葉故里魚肥初寒鴈
落孤艇將歸時節江南恨切問還與何人共歌新闕
換盡秋芳想渠西子更愁絕

當時無限舊事嘆繁華似夢如今休說短褐臨流幽
懷倚石山色重逢都別江雲凍結筭只有梅花尚堪
攀折寄取相思一枝和夜雪

又

四明別友

十洲三島曾行處離情幾番婁婉墜棄重題枯條舊
折蕭颯那逢秋半登臨頓懶更葵蓮難留亭木將換
試語孤懷豈無人與共幽怨

遲遲終是也別筵何如趁取涼生江滿桂月催程妝

風借泊休憶征忼已遠山陰路畔縱鳴壁猶蛩過樓
初鴈政恐黃花笑人歸較晚

一萼紅

石屋探梅

思飄飄擁仙妹獨步明月照蒼翹花候猶遲庭陰不
掃門掩山意蕭條抱芳恨佳人分薄似未許芳魄化
春嬌雨泣風慳霧輕波細湘夢迢迢

誰伴碧樽雕俎笑瓊肌皎皎綠髣蕭蕭青鳳啼空玉
龍舞夜遙睇河漢光搖未須賦疎香淡影且同倚枯
蘇听吹簫聽久餘音欲絕寒透綃

蘇

又

丙午春赤城山中題花光卷

玉嬋娟甚春餘雪盡猶未跨青鸞疎萼無香柔條獨
秀應恨流落人間記曾照黃昏淡月漸瘦移影上小

攔干一點清魂半枝空色芳意班班
重省嫩寒清曉過斷橋流水問信孤山水肌微銷塵
衣不浣相見還誤輕攀未須訝東南倦客掩鉛泪看
了又重見故國吳天樹老雨過風殘

又

紅梅

古芳菲趁東風嫵媚重拂淡烟支青鳳卸丹瓊奴試
酒驚換玉質水姿甚春色江南太早有人恠和飛雪
杏花飛鮮珮蕭疎裙零亂山意霏霏

空惹別愁無數照珊瑚海影冷月枯枝吳艷離魂蜀
妖冶泪孤負多少心期歲寒事無人共省破丹霧應
有鶴時歸可惜鮫綃碎剪不寄相思

又